

Peredur Owen Griffiths AS
Cadeirydd y Pwyllgor Cyllid
Senedd Cymru
Tŷ Hywel
Bae Caerdydd
CF99 1SN

10 Ionawr 2022

Annwyl Peredur,

Rwy'n ysgrifennu atoch i ddwyn sylw'r Pwyllgor at newid arfaethedig yng nghyllideb gymeradwy y Comisiwn ar gyfer 2021-22, drwy broses y Gyllideb Atodol. Mae'r Comisiwn yn cynnig lleihau ei gyllideb adnoddau gan £1.2 miliwn.

Mae'r Comisiwn yn cynnig gwneud fel a ganlyn:

- Lleihau'r gyllideb ar gyfer Penderfyniad y Bwrdd Taliadau gan £1.2 miliwn;
- Lleihau'r gyllideb ar gyfer etholiadau gan £0.5 miliwn.

Yn nogfen Cyllideb y Comisiwn 2021-22, roedd ymrwymiad y byddai arian dros ben o'r gyllideb ar gyfer costau ar ôl yr etholiad yn cael ei dalu'n ôl i Gronfa Gyfunol Cymru. Dyma'r dull a ddilynwyd yn y gorffennol hefyd, gan adael arian dros ben yng nghyllideb Penderfyniad y Bwrdd Taliadau.

Mae pwysau o hyd ar gyllideb weithredol y Comisiwn, yn enwedig i ariannu costau staffio, fodd bynnag, ni ofynnwyd am unrhyw arian ychwanegol yn y Gyllideb Atodol hon i fynd i'r afael â'r galw cynyddol ar wasanaethau'r Comisiwn. Ar hyn o bryd, mae'r heriau ychwanegol sydd wedi codi e.e. y lefel uwch o fgythiad diogelwch a'r pandemig, gan gynnwys y cynnydd mewn gweithio hybrid, yn cael eu rheoli o fewn cyfyngiadau cyllideb weithredol 2021-22. Fodd bynnag, efallai na fydd y dull hwn yn gynaliadwy yn y tymor hwy.



Bu eich Pwyllgor yn craffu ar ddogfen y gyllideb ar gyfer 2022-23 yn ddiweddar, gan nodi nad oedd y ffigurau yn y ddogfen a osodwyd yn adlewyrchu'r cynnydd mewn cyfraniadau Yswiriant Gwladol ac y gallai fod angen cyllideb atodol yn 2022-23 i ariannu'r gost ychwanegol hon. Er bod y Comisiwn bob amser yn ceisio ariannu gwariant ychwanegol o'i adnoddau presennol yn y lle cyntaf, oherwydd pwysau staffio cynyddol a'r ffaith nad oes arian wrth gefn wedi'i gynnwys yng nghyllideb 2022-23, efallai na fydd hyn yn bosibl yn ystod y flwyddyn ariannol nesaf.

Penderfyniad y Bwrdd Taliadau ar gyfer Aelodau o'r Senedd



Pennwyd cyllideb o £16.819 miliwn ar gyfer cyllideb Penderfyniad y Bwrdd Taliadau yn 2021-22. Ar hyn o bryd, y gwariant a ragwelir ar gyfer y llinell hon o'r gyllideb yw £15.332 miliwn, sef tanwariant o £1.487 miliwn.



Senedd Cymru
Bae Caerdydd, Caerdydd, CF99 1SN

 Cysylltu@senedd.cymru
 0300 200 6565

Welsh Parliament
Cardiff Bay, Cardiff, CF99 1SN

 Contact@senedd.wales
 0300 200 6565

Nodwyd mewn cyfarfodydd cyllidebol â'r tîm Cymorth Busnes i Aelodau ei bod yn dra thebygol na fydd y swm hwn o £1.487 sy'n weddill yn cael ei ddefnyddio.

Ni fyddai'n gam doeth lleihau'r llinell hon yn y gyllideb gan £1.487 oherwydd y gall y Bwrdd Taliadau wneud newidiadau i'r Penderfyniad yn ystod y flwyddyn ariannol sy'n weddill, a hefyd am fod eitemau annisgwyl yn debygol o effeithio ar y gyllideb hon, e.e. taliadau marwolaeth mewn gwasanaeth a hawliadau hwyr.

Rydym yn ymwybodol o'n hymrwymiad o ran unrhyw danwariant yn erbyn cyllideb Penderfyniad y Bwrdd Taliadau yn y flwyddyn hon ac yn y dyfodol. Felly, rydym yn mabwysiadu'r un egwyddor â'r blynyddoedd blaenorol ar gyfer y swm dros ben a nodir eleni; ni fyddwn yn defnyddio £1.200 miliwn o'r tanwariant a nodwyd ac rydym yn cyflwyno'r gyllideb atodol hon i ddiwygio'r gyllideb a osodwyd yn wreiddiol.

Y prif reswm am y tanwariant hwn yw am fod y gyllideb yn adlewyrchu dau gynnydd yn olynol i gyflogau Aelodau o'r Senedd na chawsant eu gweithredu yn y pen draw.

Gwariant sy'n gysylltiedig ag etholiadau

Pennwyd cyllideb o £2.600 miliwn ar gyfer etholiadau yn 2021-22. Ar hyn o bryd, y gwariant a ragwelir ar gyfer y llinell hon o'r gyllideb yw £1.936 miliwn, sef tanwariant o £0.664 miliwn.

Ni fyddai'n gam doeth lleihau'r llinell hon yn y gyllideb gan £0.664 miliwn rhag ofn y bydd unrhyw eitemau hwyr yn codi a allai fod yn gysylltiedig ag e.e. aelodau newydd. Ni fyddwn yn defnyddio £0.500 miliwn o'r tanwariant a nodwyd ac rydym yn cyflwyno'r gyllideb atodol hon i ddiwygio'r gyllideb a osodwyd yn wreiddiol.

Felly, mae'r Comisiwn yn cynnig cyllideb atodol ar gyfer ei gyllideb weithredol o £41.695 miliwn, sef dim newid o gymharu â'r gyllideb wreiddiol, ac mae'n cynnig lleihad o £1.7 miliwn yn ei gyllideb ar gyfer gwariant sy'n gysylltiedig ag Aelodau. Mae'r tabl isod yn dangos yr effaith ar gyllideb gyffredinol y Comisiwn ar gyfer 2021-22:

	Cyllideb gymeradwy	Cyllideb atodol arfaethedig	Cyllideb ddiwygiedig arfaethedig
Cyllideb adnoddau	£41.695	-	£41.695
Cyllideb ar gyfer Aelodau	£16.819	-£1.200	£15.619
Cyllideb etholiadau	£2.600	-£0.500	£2.100
Cyllideb gwariant a reolir yn flynyddol	£1.800	-	£1.800



Cyfanswm	£62.914	-£1.700	£61.214
----------	---------	---------	---------

Yn unol â Rheol Sefydlog 20.32, ar ôl i'ch Pwyllgor ystyried y cais hwn, bydd y Comisiwn yn gosod memorandwm esboniadol yn nodi'r cais hwn am Gyllideb Atodol. Mae copi o'r memorandwm esboniadol hwn ynghlwm er hwylustod i chi. Rhowch wybod i mi os bydd angen rhagor o wybodaeth arnoch.

Yn gywir,



Ken Skates AS

Anfonwyd copi at Manon Antoniazzi, Nia Morgan

Croesewir gohebiaeth yn Gymraeg neu Saesneg / We welcome correspondence in Welsh or English.



Cyllideb Atodol 2021-22: Memorandwm Esboniadol

Ionawr 2022



Senedd Cymru yw'r corff sy'n cael ei ethol yn ddemocrataidd i gynrychioli buddiannau Cymru a'i phobl. Mae'r Senedd, fel y'i gelwir, yn deddfu ar gyfer Cymru, yn cytuno ar drethi yng Nghymru, ac yn dwyn Llywodraeth Cymru i gyfrif.

Gallwch weld copi electronig o'r ddogfen hon ar wefan y Senedd:
www.senedd.cymru

Gellir cael rhagor o gopiâu o'r ddogfen hon mewn ffurfiau hygyrch, yn cynnwys Braille, print bras, fersiwn sain a chopïau caled gan:

Senedd Cymru
Bae Caerdydd
CF99 1SN

Ffôn: **0300 200 6565**

© **Hawlfraint Comisiwn Cynulliad Cenedlaethol Cymru 2022**

Ceir atgynhyrchu testun y ddogfen hon am ddim mewn unrhyw fformat neugyfrwng cyn belled ag y caiff ei atgynhyrchu'n gywir ac na chaiff ei ddefnyddio mewn cyd-destun camarweiniol na difriol. Rhaid cydnabod mai Comisiwn y Senedd sy'n berchen ar hawlfraint y deunydd a rhaid nodi teitl y ddogfen.

Cyllideb Atodol 2021-22: Memorandwm Esboniadol

Ionawr 2022





Cynnwys

1. Cefndir.....	6
Memorandwm Esboniadol.....	6
Penderfyniad y Bwrdd Taliadau ar gyfer Aelodau o'r Senedd.....	7
Gwariant sy'n gysylltiedig ag etholiad.....	7
Effaith y Gyllideb	8
2. Cwmpas y gyllideb	9

1. Cefndir

Cafodd **Cyllideb y Comisiwn ar gyfer 2021-22** ei chynnwys yn y Cynnig Cyllideb Blyneddol o dan Reol Sefydlog 20.26 ac fe'i cymeradwywyd yn y Cyfarfod Llawn ar 11 Tachwedd 2020, ar ôl bod yn destun gwaith craffu gan Bwyllgor Cyllid y Senedd.

Roedd y cynnig cyllideb yn darparu £62.914 miliwn o Gyllideb Adnoddau i'r Comisiwn gan ddarparu:

- £41.695 miliwn ar gyfer gwasanaethau'r Senedd;
- £16.819 miliwn ar gyfer cyllideb Penderfyniad y Bwrdd Taliadau ar gyfer Aelodau o'r Senedd; a
- £2.600 miliwn ar gyfer costau sy'n gysylltiedig ag etholiad.

Darparwyd £1.800 miliwn ychwanegol ar gyfer addasiadau cyfrifyddu nad ydynt yn arian parod mewn perthynas â Chynllun Pensiwn Aelodau o'r Senedd, a hynny drwy'r gyllideb Gwariant a Reolir yn Flynyddol.

Gosodir y Memorandwm Esboniadol hwn i gydymffurfio â Rheol Sefydlog 20.32, gan gefnogi newidiadau i'w cynnig i gyllideb atodol 2021-22 gymeradwy'r Comisiwn, drwy Gynnig Cyllideb Atodol.

Memorandwm Esboniadol

Effaith cyllideb atodol y Comisiwn fydd lleihau cyllideb Penderfyniad y Bwrdd Taliadau a hefyd lleihau'r gyllideb ar gyfer costau sy'n gysylltiedig ag etholiad.

Yn nogfen **Cyllideb y Comisiwn ar gyfer 2021-22**, roedd ymrwymiad i dalu'n ôl unrhyw gronfeydd dros ben o fewn y gyllideb costau ôl-etholiad i Gronfa Gyfunol Cymru. Dyma hefyd y dull a ddefnyddir gyda chronfeydd dros ben o fewn cyllideb Penderfyniad y Bwrdd Taliadau.

Mae pwysau yn parhau ar gyllideb weithredol y Comisiwn, yn enwedig i ariannu costau staffio, fodd bynnag, ni ofynnwyd am unrhyw gyllid ychwanegol yn y Memorandwm Esboniadol hwn i fynd i'r afael â'r galw cynyddol hwn am wasanaethau'r Comisiwn. Rydym yn parhau i ymateb i'r heriau ychwanegol a achoswyd gan e.e. y bygythiad diogelwch cynyddol a'r pandemig, gan gynnwys y cynnydd mewn gweithio hybrid, o fewn cyfyngiadau cyllideb weithredol 2021-22.

Penderfyniad y Bwrdd Taliadau ar gyfer Aelodau o'r Senedd

Y Bwrdd Taliadau yw'r corff annibynnol sy'n pennu cyflogau a thaliadau'r Aelodau a'u staff, a'r system o gymorth ariannol sydd ei hangen i'r Aelodau gyflawni eu cyfrifoldebau fel cynrychiolwyr etholedig.

Mae'r Penderfyniad yn rhoi arian ar gyfer costau sy'n gysylltiedig â bod yn Aelod a/neu ddeiliad swydd, er enghraifft:

- cynnal swyddfa ac ymgysylltu ag etholwyr;
- cyflogau a chostau teithio eu staff cymorth;
- llety preswyl yng Nghaerdydd i'r Aelodau y mae eu cartref yn bellter sylweddol i ffwrdd (mae meini prawf cymhwysedd yn gymwys); a
- chymorth i Grwpiau'r Pleidiau ac ymchwil polisi.

Ni ellir cyfrifyddu'r costau terfynol yn gywir tan ar ôl 31 Mawrth 2022, felly gwneir rhagolygon yn ystod y flwyddyn. Yn seiliedig ar y disgwyliadau presennol, yn bennaf oherwydd swyddi gwag staff, a'r ffaith nad yw Aelodau o'r Senedd wedi cael codiad cyflog ers dwy flynedd, nid yw'n debygol y dymunir defnyddio'r holl arian a gyllidebwyd ar gyfer cyflogau a lwfansau eraill.

Felly, mae'r Comisiwn yn cynnig cyllideb atodol ar gyfer Penderfyniad y Bwrdd Taliadau ar gyfer Aelodau o'r Senedd o £15.619 miliwn, sef gostyngiad o £1.200 miliwn. Mae hyn yn gadael digon o arian wrth gefn i ymdopi ag unrhyw amrywiad o'r amcangyfrif yn y ffigurau terfynol ar ddiwedd y flwyddyn.

Gwariant sy'n gysylltiedig ag etholiad.

Mae cyllideb yr etholiad yn darparu arian i dalu am gostau terfynu swyddi'r Aelodau hynny na chânt eu hail-ethol (drwy grant ailsefydlu) a chostau'r taliadau dileu swyddi ar gyfer eu staff cymorth.

Defnyddir y gyllideb hon hefyd i ddarparu offer TGCh (i Aelodau newydd a'r rhai sy'n dychwelyd) a chymorth ychwanegol i Aelodau newydd o'r Senedd, i dalu costau'r agoriad swyddogol ac unrhyw newidiadau sy'n ofynnol o ran llety.

Drwy gynnwys hwn fel cyllideb ar wahân, mae'r costau penodol sy'n ymwneud â'r etholiad a gaiff eu talu o'r gyllideb yn dryloyw ac yn hawdd eu nodi. Fel y nodwyd yng **Nghyllideb y Comisiwn ar gyfer 2021-22** ni fydd cronfeydd dros ben, ar ôl talu'r holl gostau, yn dod o Gronfa Gyfunol Cymru. Mae'r Comisiwn, felly, yn cynnig cyllideb atodol ar gyfer cyllideb yr etholiad o £2.1 miliwn, sef gostyngiad o £0.5 miliwn.

Effaith y Gyllideb

Mae'r Cynnig Cyllideb Atodol yn cynnig yr hyn a ganlyn:

- Gostyngiad yn y gyllideb o ran Penderfyniad y Bwrdd Taliadau o £1.2 miliwn, i £15.619 miliwn.
- Gostyngiad yn y gyllideb ar gyfer gwariant sy'n gysylltiedig ag etholiad o £0.5 miliwn, i £2.1 miliwn.

2. Cwmpas y gyllideb

Gosodir y cyflwyniad cyllidebol hwn yn unol â Rheol Sefydlog 20 y Senedd i helpu i lunio Cynnig y Gyllideb sy'n ofynnol yn ôl Adran 126 o Ddeddf Llywodraeth Cymru 2006. Mae'r cyflwyniad hwn yn ceisio diwygio gofynion Comisiwn y Senedd o ran adnoddau a gofynion y gwariant a reolir yn flynyddol ar gyfer y flwyddyn a ddaw i ben ar 31 Mawrth 2022.

Mae'r Cynnig Cyllideb Atodol yn awdurdodi defnyddio'r adnoddau net ar gyfer gwasanaethau a dibenion yr Aelodau a Gwasanaethau'r Senedd. Mae'r cynnig yn cynnwys uchafswm yr incwm (neu'r adnoddau cronrus) y gellir ei gadw i'w ddefnyddio ar gyfer y gwasanaethau hynny ac at y dibenion hynny yn hytrach na'i fod yn cael ei dalu i Gronfa Gyfunol Cymru, a'r arian parod y bydd angen ei gael o'r gronfa i dalu am y cyfansymiau net y rhagwelir y bydd y Comisiwn yn gorfod eu talu.

Nodir cyllideb ddiwygiedig 2021-22 Comisiwn y Senedd, sy'n mynd i'r afael â'r gofynion diwygiedig, yn Nhabl 1 isod.

Tabl 1	Diwygiedig £000
<p>Adnoddau ar wahân i adnoddau cronrus i'w defnyddio gan Gomisiwn y Senedd ("y Comisiwn") ar gostau adnoddau a chyfalaf sy'n gysylltiedig â gweinyddu a gweithredu gwasanaethau i gefnogi'r Senedd; hyrwyddo'r Senedd gan gynnwys taliadau i'r Comisiwn Etholiadol ac eraill; taliadau mewn perthynas â'r Comisiynydd Safonau a'r Bwrdd Taliadau; unrhyw daliadau eraill sy'n ymwneud â swyddogaethau'r Senedd neu'r Comisiwn.</p> <p>Adnoddau heblaw am adnoddau cronrus i'w defnyddio gan y Comisiwn mewn perthynas â phenderfyniadau'r Bwrdd Taliadau a gwariant mewn perthynas â darparu Cynllun Pensiwn Aelodau'r Senedd.</p>	61,214
<p>Adnoddau cronrus i'w cadw yn unol ag Adran 120(2) o Ddeddf Llywodraeth Cymru 2006 a'u defnyddio gan y Comisiwn.</p> <ul style="list-style-type: none"> ▪ o'r broses o gael gwared ar asedau sefydlog ac incwm cyfalaf arall i'w ddefnyddio i brynu neu gaffael asedau sefydlog; neu ▪ incwm rhent; rhoddion; grantiau; ad-daliadau ac incwm o werthiant masnachol a gwasanaethau eraill a ddarperir i'r cyhoedd ac eraill i'w defnyddio ar gyfer costau gweinyddu'r Senedd. 	220
<p>Y swm a ddaw o Gronfa Gyfunol Cymru i dalu'r symiau y rhagwelir y bydd angen eu talu o fewn y flwyddyn o ran y gwasanaethau uchod ac at ddibenion ar wahân i dderbynebau y gellir eu cadw a TAW y gellir ei hadennill.</p>	57,463

Mae tabl 2 isod yn cysoni'r gofyniad adnodd net â'r gofyniad i dynnu arian o Gronfa Gyfunol Cymru.

Tabl 2: Gofyniad Arian Parod	£'000
	2021-22
	Diwygiedig
Gofyniad referniw net yr Aelodau	15,619
Gwariant sy'n gysylltiedig ag etholiad	2,100
Gofyniad referniw net y Comisiwn	41,195
Gofyniad cyfalaf net	500
Gwariant a reolir yn flynyddol	1,800
Is-gyfanswm	61,214
Addasiadau	
Dibrisiant	(2,250)
Newidiadau mewn darpariaethau	(1,800)
Newidiadau o ran y dyledwyr a'r credydwyr	305
Is-gyfanswm	(3,751)
Gofyniad arian parod net o Gronfa Gyfunol Cymru	57,463